

IZVJEŠTAJ O RADU RADNE GRUPE ZA USAGLAŠAVANJE ODREDBA ZAKONA O SIGURNOSTI I ZDRAVLJU NA RADU

Sukladno zaključku Ekonomsko socijalnog vijeća da delegacije socijalnih partnera još jednom razmotre Prednacrt zakona o sigurnosi i zdravlju na radu i pokušaju usuglasiti neka sporna pitanja, održana su dva sastanka u Federalnom ministarstvu rada i socijalne politike, na kojima su pored predstavnika Saveza samostalnih sindikata BiH, Udruženja poslodavaca Federacije BiH i nadležnog ministarstva, u radu učestvovali i federalni inspektori zaštite na radu.

Socijalni partneri dostavili prethodno svoje pisane primjedbe koje su zajednički razmotrene i u većini usaglašene, te ugrađene u tekst Prednacrt.

Kao otvoreno pitanje o kojem nije postignuta suglasnost ostale su odredbe čl.40. 41. i 42. koje reguliraju formiranje i nadležnosti Odbora za sigurnost i zdravlje na rada, odnosno pitanje uopće potrebe za ovim organom, i dogovoreno je da konačnu odluku o tome donese Ekonomsko- socijalno vijeće.

Takođe su, kao otvoreno pitanje, ostale kaznene odredbe za koje su predstavnici sindikata istakli da treba da budu usklađene sa novim Zakonom o prekršajima i time budu oštrije, dok predstavnici poslodavaca smatraju da su utvrđene kazne iznad ekonomskih mogućnosti naše privrede.

Ovako usuglašeni tekst Prednacrt dostavljen je učesnicima u njegovom usklađivanju na suglasnost. Predstavnici Saveza sindikata su dali suglasnost na dostavljeni tekst Prednacrt, dok su predstavnici Udruženja poslodavac u svom pisanom aktu izrazili nezadovoljstvo, ističući da su prihvaćeni samo prijedlozi i primjedbe sindikata, a da prijedlozi koje du dali predstavnici poslodavaca nisu ni pomenuti, te ponovo dostavili svoje primjedbe.

U navedenom aktu neutemeljeno se navodi da je usaglašen stav o brisanju čl. 40. 41. i 42. koji se odnose na formiranje Odbora za sigurnost i zdravlje na radu jer predstavnici sindikata na to nisu pristali zbog čega je uz te članove stavljena napomena da konačni stav o tome zauzme ESV.

Nadalje, predstavnici poslodavaca dali su primjedbu da se iz teksta Prednacrt briše ovlaštena privatna praksa koja se navodi u dijelu zakona koji uređuje zdravstveni nadzor.

Iako je odgovarajuće obrazloženje dato i na radnim sastancima, ponovo ističemo da ova primjedba nije mogla biti prihvaćena zbog toga što bi u tom slučaju bile protivne Zakonu o zdravstvenoj zaštiti. Naime, prema odredbama tog zakona zdravstvenu djelatnost obavljaju zdravstvene ustanove i privatna praksa, a specifična zdravstvena zaštita ostvaruje se temeljem ugovora poslodavca i zdravstvene ustanove koja u svom sastavu ima djelatnost medicine rada ili ugovora sa specijalistom medicine rada u privatnoj praksi.

Iz navedenog je jasno da termin zdravstvena ustanova ne podrazumijeva i privatnu praksu kako to navode predstavnici poslodavaca u svojim primjedbama.

Prijedlog da se u članu 58. Prednacrta dodaju riječi „ukoliko takvo radno mjesto postoji kod poslodavca“ nije prihvaćen jer bi time radno pravna zaštita radnika kojem je na periodičnom liječničkom pregledu utvrđeno da ne može dalje obavljati poslove sa posebnim uvjetima , bila dovedena u pitanje.

XXX

Na zahtjev Vlade Federacije BiH, Prednacrt zakona o sigurnosti i zdravlju na radu razmatran je na 88 sjednici Vlade Federacije BiH i utvrđen u formi Nacrta.

O Prednacrtu zakona pozitivno mišljenje dalo je federalno ministarstvo pravde i Federalno ministarstvo finansija/ financija, a Ured za zakonodavstvo je ukazao na obvezu obrađivača da sačini i dostavi Uredu Uporedni prikaz o usklađenosti zakona sa propisima Europske unije.